

宋  
名  
家  
詞

題坦菴詞

詞古詩流也吟咏情性莫工於  
詞臨淄六一當代文伯其樂府  
猶有憐景泥情之偏豈情之所

鍾不能自己於言耶坦菴先生  
金閨之彥性天夷曠吐而為文  
如泉出不擇地連收兩科如俯  
拾芥詞章迺其餘事人見其模

寫風景體狀物態俱極精巧初  
不知得之、易以至得趣忘憂  
樂天知命茲又情性之自然也  
因為編次俾鑿諸木觀者當自

識其胸次云門人尹覺先之敘

坦菴詞

目錄

萬年歡

一調

水調歌頭

八調

滿江紅

五調

沁園春

二調

醉江月

七調

促拍滿路花

二調

永遇樂

三調

風入松

一調

鳳皇閣

一調

蝶戀花

八調

鷓鴣天

七調

柳梢青

十調

浣溪沙

六調

菩薩蠻

十三調

好事近

二調

醉蓬萊

一調

漢宮春

一調

廳前柳

一調

訴衷情

四調

一翦梅

二調

朝中措

六調

點絳脣

三調

撲蝴蝶

一調

醉桃源

三調

賀聖朝

一調

踏莎行

二調

憶秦娥

一調

武陵春

二調

清平樂 三調

鵲橋仙 四調

謁金門 七調

東坡引 三調

生查子 五調

少年遊 二調

小重山 一調

霜天曉角 二調

江南好 一調

關河令 二調

採桑子 二調

浪淘沙 三調

雙頭蓮令 一調

畫堂春 一調

南柯子 一調

西江月 二調



洞仙歌

詞

南鄉子

詞

行香子

詞

卜算子

詞

伊洲三臺

詞

坦菴詞目錄

終

坦菴詞

宋 趙師使

萬年歡

電繞神樞華渚流虹誕彌良用佳辰萬寓謳歌  
歸舞寶曆增新四七年間盛事皇威暢邊鄙無  
塵仁恩被華夏咸安太平極治懽聲 重華道  
隆德茂亘古今希有揖遜重聞聖子三宮歡聚  
兩世慈親幸際千秋聖旦霑鎬宴普率惟均封

坦菴詞

汲古閣

人祝億萬斯年壽皇尊竝高真

水調歌頭

並序  
上公同

金鼎調元手玉殿渙恩華宣威蜀道曾見千騎  
擁高牙憑仗元樞籌略寬我宸旒西顧惠澤被  
幽遐爲憶江城好南浦艤仙槎格天心膺帝  
眷極褒嘉琳宮香火緣在還近玉皇家霖雨久  
思賢佐看卽聲傳丹禁喚仗聽宣麻袞繡公歸  
去宰路築堤沙

又

春野亭  
送別

江亭送行客腸斷木蘭舟水高風快滿目煙樹  
織成愁咿軋數聲柔櫓拍塞一懷離恨指顧隔  
汀洲獨立滄茫外欲去強遲留海山長雲水  
濶思難收小亭深院歌笑不忍記同游唯有當  
時明月千里有情還莫後會尚悠悠此恨無重  
數和淚付東流

又

癸卯信  
豐送春

韶華能幾許，節物歎推移。羣花競芳爭，豔無奈。  
隙駒馳紅紫，隨風何處。唯有搏枝新綠，暗逐雨。  
催肥喬木，芻初嚼，深院燕交飛。漸清和，微扇  
暑日遲遲。新荷泛水，搖漾萍藻，弄晴漪。百歲光  
陰難挽，一笑歡娛，易失莫惜酒盈卮。無計畱連  
住，還是送春歸。

又

萬載煙  
雨觀

江流清淺外，山色有無中。平田坡岬，迴曲一目

望難窮波面輕鷗容與沙際野航橫渡不信畫  
圖工路入神仙宅翠鎖梵王宮  俯晴郊增勝  
槩氣橫空雲林城市層列知有幾重重夏上危  
亭高處從倚欄干虛敞象緯逼璇穹要盡無邊  
景煙雨看空濛

又

戊申春陵州舊詞賦  
二詞呈族守德遠

人生如寄耳世態逐時移浮名薄利能幾方寸  
謾交馳麓足生涯隨分到眼風光可樂終不羨

坦菴詞

三

汲古閣

輕肥有志但長嘆無路且早飛  
恨年華何去速又來遲  
綠陰濃映池沼穀浪皺風漪  
轉午鷺聲睨腕滾地楊花飄蕩  
愛景惜芳卮此意誰能解  
一笑任春歸

又

心景兩無著情物豈能移  
超然遠覽失笑名利苦紛馳  
一品官資榮顯百萬金珠  
豪富空自喜家肥會得個  
中理川湧與雲飛  
靜中樂閣中

趣自舒遲心如止水無風無自夏生漪已是都  
忘人我一任吾身醒醉有酒引連卮萬法無差  
別融解卽同歸

又

和石  
林韵

世態萬紛變人事一何忙胸中素韜竒蘊匣劍  
豈能藏不向燕然紀績便與漁樵爭席擺脫是  
非鄉要地時難得閒處日偏長志橫秋謀奪  
衆謾軒昂蠅頭蝸角微利爭較一毫芒幸有喬



林脩竹隨分粗衣糲食何必計冠裳我已樂蕭  
散誰與共平章

又

丁巳長沙  
壽王樞使

台星明翼軫和氣滿瀟湘長懷勝處地靈應產  
股肱良笑仰三朝元老要識一時英傑人物自  
堂堂直氣薄霄漢德望聳巖廊擁貔貅森棨戟  
戟鎮藩方折衝樽俎春融花柳侑壺觴兩世麟  
符玉節九翬恩風惠雨仁耆壽宜長鳳詔來丹

闕繡袞覲明光

滿江紅

甲午豫章  
和李忠永

渺渺春江迷望眼  
蒲萄漲綠春過也  
瀟疎庭戶  
寂寥心目念遠  
不禁啼鴉鬧  
愁多易遣  
脩蛾感  
向小窗時把綵牋  
看翻新曲  
晴晝永  
僂新浴  
相思淚不成  
哭空無言  
顛顚暗銷肌  
玉目斷碧  
雲無信息  
試憑青翼飛  
南北聽  
掀簾疑是故人  
來風敲竹

坦菴詞

汲古閣

又辛丑赴信豐舟行贛石中

煙浪連天寒尚峭空濛細雨春去也紅銷芳徑  
綠肥江樹山色雲籠迷遠近灘聲水滿忘艱阻  
挂片颿掠岫晚風輕停煙渚浮世事皆如計  
名利役驚時序歎清明寒食小舟爲旅露宿風  
食安所賦石泉榴火知何處動歸心猶賴翠煙  
中無杜宇

又王子秋社蒲中賦桃花

露冷天高秋氣爽  
千林葉落驚初見  
小桃枝上  
盛開紅萼淺  
淡胭脂  
經雨洗  
剪裁碼礪如雲薄  
問素商何事鬪春工  
施丹腹  
芙蓉苑顏如灼  
曾暗與花王約  
要棄秋名字  
竝傳京雒  
回首瑤池高宴處  
桂花香裏  
騷高鷗  
但莫教容易逐西風  
輕飄却

又

丙辰中秋定王臺  
卽席餞富次律

涼入三湘秋氣爽  
江澄沙白人欲去  
離愁黯黯

莫畱行色盍在中朝陪鷓鴣暫來南楚分風月  
與元樞鶚薦芟扶搖朝天闕 皇華使和戎策  
西府贊中興恭有緇衣同美武公勛烈檣燕已  
知添別意驪駒誰爲歌新闋恨此情如月過中  
秋圓還缺

又

丁巳和濟時  
几宜送春

去去春光畱不住情懷索莫邛堪是日長人困  
雨餘寒薄葉底青青梅勝豆枝頭顚顚花畱萼

歎流年空有惜春心憑春酌  
歌笑酒誰斟酌  
非與是忘今昨且隨時隨分強歡尋樂世事燕  
鴻南北去人生烏兔東西落問故園不負送春  
期明年約

沁園春

和伍子嚴  
避暑二首

雨接梅霖風祛槐暑麥天已秋正榴燃紅炬枝  
頭色豔荷翻綠蓋池面香浮心景俱清身名何  
有且向忙中早轉頭塵勞事在朝息夕計細慮

坦菴詞

七

汲古閣

深謀 悠悠不復徼求但安分隨緣休便休縱  
官居極品徒爲美玩家稱鉅富未免閑愁遇酒  
開顏逢歡樂意有似木人騎土牛從他笑看一  
朝解悟八極遨遊

又

羊角飄塵金鳥爍石雨涼念秋有虛堂臨水披  
襟散髮紗幘霧卷湘簾波浮遠列雲峰近叅荷  
氣臥看文書琴枕頭蟬聲寂向莊周夢裏栩栩

無謀 茶甌醒困堪求 麕飽飯安居可以休算  
脩閒靜勝吾能自樂 榮華紛擾人謾多愁 習嬾  
非癡覺迷是病 一力那能勝九牛 但休問且追  
尋觴詠知友從游

酌江月

題趙文  
炳桂屏

枕山平遠記當年 小閣牙床曾展圍幅 高深春  
晝永寂寂重簾不卷 櫂艤西湖人 歸南陌酒暈  
紅生臉 困來無那玉肌小 倚嬌軟 堪恨身在



天涯曲屏環枕此意何由見想像高唐無夢到  
獨擁閒衾展轉物是人非山長水闊觸處思量  
徧愁遮不斷夜闌依舊斜掩

又

丙午  
螺川

飄流踪跡趁春來還趁春光歸去九十韶華能  
幾許著意畱他不住趙柳催花摧紅長翠多少  
風和雨蜂閒蝶怨盡憑枝上鶯語 歸權去去  
難畱桃花浪煥綠漲迷津浦回首重城天樣遠

人在重城深處惜別愁分凝暗有淚總寄陽關  
句不堪腸斷恨隨江水東注

又

乙未白蓮  
待廷對

斜風疎雨正無聊情緒天涯寒食煙重雲嬌春  
爛熳却得輕寒邀勒柳褪鵝黃池添鴨綠桃杏  
渾狼藉亂山深處尙畱些子春色 海燕未便  
歸來踏青鬪草誰與同尋覓杜宇多情芳樹裏  
只管聲聲歷歷似勸行人不如及早作箇歸消

坦菴詞

九

汲古閣

息休教腸斷夢魂空費思憶

又

乙未中元自  
德州過白蓮

曉風清暑映湖光如練山光如染十里荷花香  
滿路飛蓋斜歌粧面一葉扁舟數聲柔櫓陡覺  
紅塵遠六橋三堦恍然圖画中見因念當日  
三賢兩山佳處應也經行遍琢月吟風無限句  
景物隨人俱顯賀監風流玄真清致我亦情非  
淺漁蓑投老利名何用深羨

又

信豐賦  
茉莉

化工何意向天涯海嶠有花清絕縞袂綠裳無  
俗韻不畏炎荒煩熱玉骨無塵冰姿有豔雅淡  
天然別真香冶態未饒紅紫春色 底事口落  
江南水仙兄弟端自難優劣瘴雨蠻煙魂夢遠  
寧識溪橋霜雪薺蔔同芳素馨爲伴百和清芬  
蕪淒然風露夜涼香泛明月

又

萬載龍  
江眼界

平生竒觀愛登高臨遠尋幽選勝欲上層巔窮  
望眼一半崎嶇危徑萬瓦鱗鱗四山簇簇咫尺  
疎林映山川城郭恍然多少清興 殘照斜斂  
餘紅橫陳平遠一抹輕煙暝何處飛來雙白鷺  
點破遙空澄瑩鶴嶺雲平龍江波渺不羨瀟湘  
詠襟懷舒曠曲欄倚了還凭

又

足樂園  
牡丹

韶華婉婉正和風遲日暄妍清晝紫燕黃鸝爭

巧語催老芬芳花柳灼灼花王盈盈嬌豔獨殿  
春光後鶻翎初拆露霑香沁珠溜 遙想京洛  
風流姚黃魏紫間綠如鋪繡小蓋低回雕檻曲  
車馬紛馳園囿天雨曼珠玉槃金束占得聲名  
久畱連朝算賞心不厭芳酒

促拍滿路花

信豐黃師  
尹跳珠亭

栽花春爛熳疊石翠嶺屹小亭相對倚數峰寒  
主人尋勝接竹引清泉鑿破蒼苔地一掬泓澄

六花疑是深淵

山前六花小池

向閒中百慮儵然情

事寄鳴絃爐香陪茗椀可忘言噴珠濺雪歷歷  
聽潺湲塵世知何計不老朱顏靜看日月跳丸

又

端溪亭贈歸屏苗道人

連枝蟠古木瑞蔭映晴空桃江江上景古今同  
忙中取靜心地儘從容埽盡荆榛蔽結屋誅茆  
道人一段家風任鳥飛兔走凶凶世事亦何  
窮官閒民不擾夏年豐簞瓢雲水時與話西東

真樂誰能識兀坐忘言浩然天地之中

永遇樂

重明節

金昊行秋黍商回律天氣佳處瑞應皇家祥開  
聖旦寶曆綿基祚瑤池人祝鈞天樂奏湛露宴  
均寰宇萬花覆千官盡醉盛事頓超今古 中  
興天統四三傳序揖遜自歸明主黃屋非心蘿  
圖有永還付當今主帝夷高蹈壽康長保五世  
祖孫懽聚尊之至千秋令節萬年聖父

坦菴詞

十二

汲古閣



又甲午走筆  
大用梅詞韵

秋滿衡阜淡雲籠月晚來風勁一抹殘霞數聲  
過雁還是黃昏近憑高臨遠倚樓凝睇多少斷  
愁幽興聽漁村鳴榔隱隱別浦暮煙收暝湘  
妃起舞芳蘭紉佩約略亂峰雲鬢景物悲涼楚  
天澄淡過盡歸颿影斜陽低處遠山重疊蕭樹  
亂鴉成陣空無言欄干凭暝悶懷似困

又爲鹿巖文家  
金林檎賦

日麗風暄暗催春去春尙畱戀香褪花梢苔侵  
柳徑密幄清陰展海棠零亂梨花淡竚初聽聞  
空鸞燕有輕盈妍姿靚態緩步闌風仙苑綠  
叢紅萼芳鮮柔媚約略試粧深淺細葉來禽長  
梢戲蝶簇簇枝頭見駝顏鬢髮春愁無力困倚  
画屏嬌軟只應怕風欺雨橫落紅萬點

風入松

戊申松穀衡  
永舟泛瀟湘

溪山佳處是湘中今古言同平林遠岫渾如画

夏漁村返照斜紅兩岬荻風策策一江秋水溶  
溶 蒼岬石壁景尤雄人自西東利名汨沒黃  
塵裏又邇知清勝無窮何日輕舸簑笠持竿獨  
釣西風

鳳凰閣

巴西歸舟  
衡陽作

正薰風初扇梅黃暑溽竝搖雙槳去程速邇夏  
黃流浩淼白浪如屋動歸思離愁萬斛 平生  
竒觀頗快江山寓目日斜雲定晚風熟白鷺飛

來點破一川明綠展十幅瀟湘畫軸

蝶戀花

戊戌和  
鄭南秀

柳眼窺春春漸吐又是東風搖曳黃金樹宜入  
新春聞好語一犁處處催畊雨未有花鬢金  
縷縷醉夢悠颺似蝶翩躚舞一枕仙遊何處去  
覺來依舊江南住

又

巳亥同常監游洪  
陽洞題肯堂壁

春到園林能幾許昨夜疎疎過却催花雨暝日

晴嵐原上路雕鞍暫繫芳菲樹  
仙洞同遊皆勝侶  
翻憶年時醉裏曾尋句  
要與龍江春作主  
翩然又趁東風去

又

於卯信豐  
賦芙蓉

剪剪西風催碧樹  
亂菊殘荷節物驚秋  
算綠葉紅苞迎曉露  
錦屏繡幄圍芳圃  
塵世鸞駮那肯駐  
尚憶層城仙苑飛瓊侶  
能共牡丹爭幾許  
惜花對景聊爲主

又 道中有簪  
二色菊花

百疊霜羅香蕊細  
嫋嫋垂鈴綴簇黃金碎  
獨占九秋風露裏  
芳心不與羣花比  
采采東籬今古意  
秀色堪餐更惹蘭膏膩  
不用南山橫紫翠  
悠然消得因花醉

又 臨安道  
中賦梅

剪水凌虛飛雪片  
認得清香雪樹深深見  
傅粉凝酥明玉豔  
含章簷下春風面  
照影溪橋情

不淺菴管聲中夢恨傳幽怨隴首人歸芳信斷  
萬重雲水江南遠

又

戊中  
秋夜

夜雨鳴簷聲錄軟薄酒澆愁不那更籌促感舊  
傷今難舉目無聊獨剪西窗燭 彈指光陰如  
電速富貴功名本自無心逐糲食簾衣隨分足  
此身安健他何欲

又

丙辰  
賞海棠

春入園林新雨過次第芳菲惹起情無那蜀錦  
青紅初剪破枝頭點點胭脂顆柳帶隨風金  
嬈娜隱映餘霞燦燦紅雲墮高燭夜寒光照坐  
只愁沉醉誰扶我

又

用宜笑  
之語作

解語花枝嬌朶朶不爲傷春愛把眉峰鎖宜笑  
精神偏一個微渦媚靨櫻桃破先自腰肢常  
嬈娜夏被新來酒飲頻過火茶飲不懽猶自可



臉兒瘦得些娘大

鷓鴣天

壬辰豫章  
惠月佛閣

煙靄空濛江上春夕陽芳草渡頭情飛紅已逐  
東風遠嫩綠還因夜雨深情脉脉息沉沉捲  
簾愁與暮雲平闌干倚徧東西曲杜宇一聲腸  
斷人

又

豫章  
大閱

玉帶紅花僕奉班裏頭新樣總宜男鬧裝鞍轡

青驄馬帖體衣裳紫窄衫  
雲鬢重黛眉彎內  
家粧束冠江南輕裘緩帶風流帥錦繡鼓花擁  
騎還

又

揖翠  
晚望

榕葉陰陰未著霜淺寒猶試夾衣裳霧濃煙重  
遙山暗雲淡天低去水長  
風淅瀝景淒涼亂  
鷗聲裏又斜陽孤颿落處驚鷗鷺飛映書空雁  
字行

又七  
夕

一葉驚秋風露清  
砌蛩初聽傍窗聲  
人逢役鵲飛鳥夜橋渡  
牽牛織女星銀漢淡  
暮雲輕新蟾斜挂一鈎  
明人間天上佳期處  
涼意還從過雨生

又湘江舟中  
應叔索賦

風定江流似鏡平  
斜陽天外挂微明  
雲歸遠岫千山暝  
霧映疎林一抹橫  
漁火細鈞絲輕黃

塵撲撲謾爭榮何時了却人間事泛宅浮家過  
此生

又 贈妙惠

妙曲清聲壓楚城蕙心蘭態見柔情凌波穩稱  
金蓮步蘸甲從教玉笋斟 歌緩緩笑吟吟向  
人真處可憐生仙源幸有藏春處何事乘風逐  
世塵

又 丁巳除夕

爆竹聲中歲又除，頓回和氣滿寰區。  
春風解綠江南樹，不與人間染白鬚。  
殘蠟燭，舊桃符，寧辭末後飲屠蘇。  
歸歟幸有園林勝，次第花開可自娛。

柳梢青

祭戶立春

節物推移，青陽景變，玉琯灰飛。  
綵仗泥牛，星毬雪柳，爭報春回。  
絲金縷，玉蟠兒，夏斜裊東風。  
應時宜入，新春人隨，好春與人宜。

又

茶蘼  
屏

紅紫凋零化工特地剪玉裁瓊碧葉叢芳檀心  
點素香雪團英柔風喚起娉婷似無力斜欹  
翠屏細細吹香盈盈浥露花裏傾城

又

和趙  
顯祖

漠漠輕陰養花天氣乍暗還明曲徑風微蜂迷  
紅片蝶趁游人平蕪極目青青謾悵望誰招  
斷魂柳外愁聞鶯雛喚友鳩婦呼晴

坦菴詞

十七

汲古閣

又

黃栢林送

李粹伯

料峭餘寒元宵欲過燈火闌珊宿酒難醒新愁  
未解搖兀吟鞍 深林百舌關關夏雨洗桃紅  
未乾野燒痕青荒陂水滿春事何堪

又

留陽  
江亭

煙斂雲收夕陽斜照暮色遲留天接波光水涵  
山影都在扁舟 虛名白盡人頭問來往何時  
是休潮落潮生吳山越嶺依舊臨流

又發八  
仙花

人間春足一番紅紫水流風逐戲蝶初閒輕搖  
粉翅高低飛撲雨昏煙暝增明似積雪枝間  
映綠后土瓊芳蓬萊仙伴葢紛香粟

又

邵武熙春臺席  
上呈修可叔

矯首遐觀崇臺徙倚心目俱寬一水縈藍羣峰  
聳翠天接高寒平生江北江南總未識欄中  
好山雨暗前汀雲生衣袂身勸躋攀

坦菴詞

二十

汲古閣



又

王子蒲陽  
壺山閣

暑懷煩鬱危欄徙倚凝情獨立榕葉連陰橫岡  
接秀壺峰凝碧海山雲樹微茫夏無數歸颿  
算集却憶瀟湘孤村煙渚晚風斜日

又

鑑止月  
下賞蓮

水滿方塘菰蒲深處戲浴鴛鴦燦錦舒霞紅幢  
綠蓋時遮幽香天弓搖挂孤光映煙樹雲間  
渺茫散髮披襟都忘身世真在仙鄉

又

和張伯壽  
紫笑詞

濃碧博枝柔黃襯紫獨殿春風  
齒齒輕盈甘瓜馥郁葉萼相重  
人生一笑難同夏餘韻都藏  
笑中日助清芬酒添風味須與從容

浣溪沙

癸巳  
豫章

日麗風和春晝長杏花枝上正芬芳  
無情社雨亦何狂  
一洗嬌紅啼嫩臉半開新綠映殘粧  
画梁空有燕泥香

又

滕王閣席上  
贈段雲輕

落日沉沉墮翠微  
斷雲輕逐晚風歸  
西山南浦  
画屏圍  
一目波光明欲溜  
兩眉山色翠常低  
須知人與景相宜

又

鳴山驛  
道中

松雪紛紛落凍泥  
棲禽猶困傍枝低  
茆簷冰柱  
玉鞭垂  
流水濺濺春意動  
羣山燦燦曉光迷  
朔風寒日度雲遲

又

螺川從善  
席上敘別

不比陽關去路賒使君行卽返京華清江江上  
是吾家聚散有時思夜雨留連無計勸流霞  
紅愁綠慘一川花

又

鑑止  
宴坐

雪絮飄池點綠漪舞風游漾燕交飛陰陰庭院  
日遲遲一縷水沉香散後半甌新茗味回時  
偷閒萬事總忘機

且菴詞

汲古閣

又鴛鴦  
紅梅

本是孤根傲雪霜  
肌膚不肯浣鉛黃  
要隨塵世淺勻粧  
似杏著花尤燦燦  
比梅成實自雙雙  
青枝巧綴碧鴛鴦

菩薩蠻

癸巳自豫  
章機歸

扁舟又向瀟灘去  
危檣却繫江頭樹  
風送雨聲來  
涼生真快哉  
電光雲際掣  
白浪天相接  
不用怯風波  
風波平地多

又

嬌花媚柳新粧靚裙邊微露雙鴛竝笑靨最多  
情春從兩臉生香羅縈皓腕翠袖籠歌扇餘  
韻遇雲低梁塵簌簌飛

又

晚風斷送歸颿急重城回首天連碧猶有小樓  
情西山如舊青故園今漸近應卜燈花信一  
喜一牽縈平分兩處心

坦菴詞

二十三

汲古閣

又

用三澗詩故人心尚  
遠故心人不見之句

故人心上如天遠  
故心人更何由見  
腸斷楚江頭  
淚和江水流  
江流空滾滾  
淚盡情無盡  
不怨薄情人  
人情逐處新

又

瑞蔭  
秋望

小春愛日融融  
暝危亭望處  
晴嵐滿江  
靜綠廻環  
橫陳無際山  
清霜欺遠樹  
黃葉風扶去  
試探嶺頭梅  
點紅開未開

又

可人  
梅軸

璚英爲惜輕飛去可人妙筆移縑素瀟灑向南  
枝永無開謝時  閨房難竝秀自是春風手何  
必問逃禪人間水墨仙

又

韻勝  
竹屏

多情可是憐高節濡毫幻出真清絕雨葉共風  
枝天寒人倚時  蕭蕭襟韻勝堪與梅兄竝不  
用翠成林坡仙曾賞音



又

玉山道中

霜風落木千山遠  
護霜雲散晴曦  
暝瀟灑小旗  
亭山花照眼明  
粉粧勻未了一  
捻春風小把  
酒恨凶凶深情眉  
媚中

又

梅林渡寄興伯

行舟蕩漾鳴雙槳  
江流爲我添新漲  
指顧隔汀洲  
人歸心尙留  
陽關三疊舉  
怨柳離情苦  
何似莫來休  
不來無許愁

又

永州牧人亭和  
聖徒季行韻

故人話別情難已故人此別何時會江上駐危  
亭離懷牽故情悠悠東去水簇簇漁村市應  
記合江濱瀟湘別故人

又

春陵迎  
陽亭

西風又老瀟湘樹翩翩黃葉辭枝去斜日淡雲  
籠溪山煙靄中危闌閒獨倚穀浪連天際殘  
角起江城書空征雁橫

又

辛亥二月雪

東皇不受人間俗爲嫌花柳紛紅綠特地闕春  
和連延雨雪多梅梢封玉蕊春半開猶未還  
恐怨韶華吹綿作柳花

又

鑑止蓮花穿闌干開

水風葉底波光淺亭亭翠蓋紅粧面六月下塘  
春平鋪雲錦屏露涼輕點綴綠映珍珠袂渾  
似太真妃倚闌嬌困時

好事近

登絲  
海棠

紅杏已香殘，唯有海棠堪惜。  
天氣著花如酒醉，嬌紅無力。  
娉娉嬈嬈倚東風，柔媚忍輕摘。  
憑仗算寒要住，賽錦川春色。

又

癸巳  
催粧

雲度鵲成橋，青翼已傳消息。  
綵仗蒞宮初下，應人間佳夕。  
龍煙縹緲散粧樓，香霧擁瑤席。  
準擬洞房披扇看，仙家春色。

且看詞

及占對

醉蓬萊

重明節丙辰長汝

正金風零露玉宇生涼晚秋天氣華渚流虹應  
生商佳瑞電繞神樞慶綿宗社御寶圖宸極脫  
屣塵凡遊心澹泊逍遙物外 聖子神孫祖皇  
文母上接三宮下通五世至盛難名亘古今無  
比誕節重明燕樂和氣動普天均被壽祝南山  
尊傾北海臣隣歡醉

漢宮春

壬子蒲中鹿鳴宴

丹詔天飛見皇家願治側席英才鴻儒抱負素  
蘊壯志興懷文場戰勝便從此脫迹蒿萊人笑  
羨鹿鳴勸駕還因計吏偕來先春占早爭開  
是人間第一唯有江梅甫中舊傳盛事六亞三  
魁桃花浪暎夏平地聽一聲雷藍綬纓蘆鞭駿  
馬長安走徧天街

廳前柳

晚秋天過算雨雲容斂月澄鮮正風露淒清處

砌蛩喧夏黃黃舞翩翩  
念故里千山雲水隔  
被名韁利鎖縈牽莫作悲秋意對尊前且同樂  
太平年

又

丹桂

景清佳正倦客凝秋思浩無涯  
遮十里香芬馥桂初華  
向碧葉露芳葩  
爲粟粒鵝兒情淡薄  
倩西風染就丹砂  
不比黃金雨燦餘霞  
送幽夢到仙家

訴衷情

鑑止  
初夏

清和時候雨初晴  
密樹翠陰成新篁  
嫩搖碧玉  
芳徑綠苔深  
雛燕語乳鸞聲  
暑風輕  
簾旌微動  
沉篆煙消  
午枕除清

又

莆中酌獻白湖  
靈惠妃三首

神功聖德妙難量  
靈應著莆陽  
濬洲自管仙境  
宛在水中央  
孚惠愛備祈禳  
降嘉祥  
雲車風馬  
盼嚮來  
歆桂酒椒漿



又

茫茫雲海浩無邊  
天與水相連  
舳艫萬里來往  
有禱必安全  
專掌握雨暘  
權屬豐年瓊卮玉  
醴饗此精誠福慶綿綿

又

威靈千里護封圻  
十萬戶歸依  
白湖宮殿雲聳  
香火盡虔祈  
傾壽酒誦聲詩  
諒遙知民康俗  
阜雨潤風滋  
功與天齊

一剪梅

蒲中賞梅

雪裏盈盈玉破花  
遐想風流壓盡京華  
點酥團粉任欹斜  
獨露春妍問誰似他  
有酒何須稚子  
賒訪戴  
歸來倚櫂溪涯  
人生得意定談誇  
除却西湖不記誰家

又

丙辰冬長沙作

暝日烘梅冷未甦  
脫葉隨風獨見枯株  
先春占早又何如玉  
點枝頭猶自蕭疎  
江北江南景

坦菴詞

二十九

汲古閣

不殊雪裏花清月下香浮它年調鼎費工夫且  
與藏春處士西湖

朝中措

前中共  
樂臺

斜陽留照有餘紅煙靄淡冥濛麥隴青搖一望  
前山翠失雙峰高臺徙倚松飄逸韻梅減冰  
容俯眎塵寰如掌翩然我欲乘風

又

疎疎簾幙映娉婷初試曉粧新玉腕雲邊緩轉

修蛾波上微顰 鉛華淡薄輕勻 桃臉深注櫻  
唇還似舞鸞窺沼無情空惱行人

又

乙未中秋  
麥湖舟中

西風著意送歸船家近總欣然去日梅開爛熳  
歸時秋滿山川 京華倦客難堪羈思歷盡愁  
邊寄語姮娥休笑月圓人亦團圓

又

山  
樊

亂山春過雪成堆七里逋香回蕊簇玲瓏金粟

坦菴詞

花裝碎屑玫瑰 蘭衰梅謝桃粗李俗誰與追  
隨清絕殿春仙侶清風吹破荼蘼

又月  
季

開隨律琯度芳辰鮮豔見天真不比浮花浪蕪  
天教月月常新 薔薇顏色玫瑰態度寶相精  
神休數歲時月季仙家欄檻長春

又  
丁亥益陽  
賀正宜之

眉間黃色喜何如花縣拜恩初五品榮頒命服

十行祇奉天書 萱堂繡閣均封大邑盛事同  
居此日銀章朱紱行看玉帶金魚

點絳脣

和翁  
子西

日煥風暄殿春瓊蓋依臺榭雪堆花架不用丹  
青寫 瑩徹精神映月唯宜夜蒙香帕倩風扶  
下碎玉殘粧卸

又

漠漠春陰褪花時候餘寒峭數聲啼鳥喚起簾

櫛曉 雲鬢慵梳淡拂春山小情多少亂縈愁  
抱風裏坐楊裊

又

同曾無玷觀  
沉寔銀基

裊裊娉娉可人尤賽娘風韵花嬌玉潤一捻春  
期近 占路藏機已向碁中進但休問酒旗花  
陣早晚爭先勝

撲蝴蝶

清和時候熏風來小院琅玕脫籜方塘荷翠颭

柳絲輕度流鶯画棟低飛乳燕園林綠陰初遍  
景何限 輕紗細葛綸巾和羽扇披襟散髮心  
清塵不染一盃洗滌無餘萬事消磨去遠浮名  
薄利休羨

醉桃源

桐江舟中

微雲掃盡碧虛寬月華光影寒山河表裏鑑中  
看沉沉清夜闌 風細細露溥溥神遊八極間  
九霄回首望塵寰悠然醉夢還



又

單葉  
茶蘼

纖枝延蔓走青虬  
風清體夏柔  
故饒檀蕊著花  
稠疎疎如綴旒  
瓊作麝玉成裘  
玫瑰應輩流  
惜香愁怕罨搔頭  
寧隨口事休

又

杜鵑花發映山紅  
韶光覺正濃  
水流紅紫各西  
東  
綠肥春已空  
閒戲蝶嬾遊蜂  
破除花影重  
問春何事不從容  
憂愁風雨中

賀聖朝

和宗  
之梅

千林脫落羣芳息有一枝先白孤標疎影壓花  
叢夏清香堪惜吟情無盡賞音未已早紛紛  
藉藉想貪結子去調羹任叫雲橫笛

踏莎行

白雪開殘紅雲吹盡園林新綠迷芳徑榆錢不  
解買青春隨風亂點蒼苔暈紫燕飛忙黃鸝  
聲嫩日長煙暝游蜂困憑高念遠思無窮那堪

宿酒厭厭病

又

萬事隨緣一身須正功名富貴皆前定多圖廣  
計要爭強如何人力將天勝極費機謀徒勞  
奔競到頭畢竟由他命安時處順得心閒飢餐  
困寢虧賢甚

憶秦娥

和劉希宋

傷離索不堪涼月穿珠箔穿珠箔料應別後粉

銷瓊削 無聊倚徧西樓角  
枝頭幾悞驚飛鵲  
驚飛鵲 先來顛顛夏逢搖落

武陵春

和王叔度桃花

一陣曉風花信早  
先到小桃枝  
冉冉紅雲映翠  
微開宴憶瑤池  
零亂分飛  
貪結子芳徑自成  
蹊消得劉郎去  
路迷腸斷武陵溪

又

信豐揖翠閣

乍雨籠晴雲不定  
芳艸綠纖柔  
燕語鶯啼小院

坦菴詞

三十四

汲古閣

幽春色二分休 試凭危欄凝遠目山與水光  
浮滾滾閒愁逐水流流不盡許多愁

清平樂

清平樂  
東館

舞風輕燕繚繞深深院晝永人閒簾不捲時聽  
鶯簧巧轉 清和天氣陰陰南風初奏嶽琴喚  
起午窗新夢愁添一掬歸心

又

陽春

一宵風雨春與人俱去春解再來花作主只有

行人無處 慙勤滿酌離觴  
陽關唱起愁腸苦  
恨無情杜宇聲  
啼斷斜陽

又

迎春花一名金腰帶

纖穠嬌小也解爭春  
早占得中央顏色好  
裝點枝枝新巧  
東皇初到江城  
慙勤先去迎春乞  
與黃金腰帶壓持  
紅紫紛紛

鵲橋仙

歸舟過六和塔

風波平地塵埃撲  
面總是爭名競利  
悟時不必

且卷同

及古詞

苦貪圖但言任流行坎止  
忽來忽去何榮何辱天也  
知人深意一颿風送過桐江  
喜跳出瑠璃井裏

又

安仁道中雲

同雲空羃狂風浩浩激就六花飛  
下山川滿目白模糊夏茅舍溪橋瀟灑  
玉田銀界瑤林瓊樹光映乾坤不夜  
行人不爲旅人忙怎解識天然圖畫

然圖畫

又

同放國華飲明  
帝鵬卽席作

春光已暮花殘葉密夏值無情風雨斜陽芳樹  
翠煙中又聽得聲聲杜宇 血流無用離魂空  
斷只撓淒涼爲旅在家誰道不如歸你何似隨  
春歸去

又

丁巳  
七夕

明河風細鵲橋雲淡秋入庭梧先墜摩孩羅荷  
葉傘兒輕總排列雙雙對對 花瓜應節蛛絲



卜巧望月穿針樓外不知誰見女牛忙謾多少  
人間歡會

謁金門

風和雨又送一番春去春去不知何處住惜春  
無覓處柳老空搏香絮鸞嬌乍遷芳樹回念  
故園如舊否不堪聞杜宇

又

丁酉冬  
昌山渡

江水綠江上數峰如簇喚渡小舟來岸北筍輿

行太速 素豔窗紗籠玉不負看花心目今夜  
知他何處宿斷魂沙路曲

又

陸詞  
陸詞

沙畔路記得舊時行處藹藹疎煙迷遠樹野航  
橫不渡 竹裏疎花梅吐照眼一川鷗鷺家在  
清江江上住水流愁不去

又

風雨急紅紫又還狼藉嫩綠團枝苔徑溼簾開

雙燕入 院靜畫閣人寂一縷水沉煙直心事  
有誰能會得堦前芳艸碧

又

常山道中

風策策山迥暮煙橫白淅瀝穿林翻敗葉羈懷  
愁倦客 問宿荒村山驛誰識離情脉脉雁足  
無書孤夜色音塵千里隔

又

和發善二首

花夜雨渺渺綠波南浦擘絮晴雲山外吐凝情

誰共語 十二玉梯空  
竚閒却瑣窗朱戶久客  
念歸歸未許寸心愁萬縷

又

風雨半春鎖綠楊深院  
幙浪不飜香穗捲輕寒  
閒便面 歸興新來不淺  
勾引閒愁撩亂一枕  
春醒誰與管曉鶯驚夢斷

東坡引

別周誠可

相看情未足離觴已催促  
停歌欲語眉先感何

坦菴詞

三十八

汲古閣

期歸太速 如今去也無計追逐怎忍聽陽關  
曲扁舟後夜灘頭宿愁隨煙樹簇愁隨煙樹簇

又

卷三  
豫章

飛花紅不聚都因夜來雨枝頭冷落情如許東  
風誰是主 看看滿地堆却香絮似日斷章臺  
路殘英剝盡留春住春歸何處去春歸何處去

又

龍江趙去  
非席上

盈行情意密今宵是何夕行人此別真堪惜愁

腸空悶鬱。明朝去也。回首相憶。要留戀如何。  
得無端。聚雨飄何急。人來心上。滴人來心上。滴

生查子

宜春記賓亭  
別王希白唐

梅從隴首傳。柳向郵亭折。鴛瓦曉霜濃。掠面凝  
寒色。相逢意便親。欲去如何說。我亦是行人。  
更與行人別。

又

萍鄉陽  
春亭

千山擁翠屏。一水縈羅帶。雨過水痕添。雲散山

容在亭高景最幽  
天迴風尤快  
啼鳥一聲悶  
喚起情無奈

又

遲遲春晝長  
冉冉東風軟  
寒食乍晴天  
紅紫芳菲遍  
前峰積翠橫  
新漲接藍遠  
向晚淡煙迷  
一段屏山展

又

丙午鐵  
爐岡回

春光不肯留  
風雨催將去  
紅逐故園塵  
綠滿江

南樹 陰晴寒食天寂寞西郊路芳州織新愁  
悵望人何處

又

庭虛任雀喧院靜無人到回首十年非賴得知  
幾早 心隨香篆銷意與梅花好萬事轉頭空  
一笑吾身老

少年遊

梅

玉壺冰結葺天寒朔吹繞闌干雪破梢頭香傳



花外春信入江南  
巡檐索笑情何限一點已  
微酸待得黃垂冥冥煙雨綠樹裊金丸

又

冰霜凝凍臘殘時  
暝律漸推移綵勝羅幡土牛  
春杖和氣與春回  
花心柳眼知時節微露向  
陽枝喜入新春稱心百事如意想都宜

小重山

農人以夜雨  
黃時爲夜春

樂歲農家喜夜春  
朝來收宿霧快新晴雲移日

轉午風輕香羅薄暄暎困游人  
積水滿春塍  
綠波翻鬱鬱露秧針幸無離緒苦牽情煙林外  
時聽杜鵑聲

霜天曉角

三衢道中

雨餘風勁霧重千山暝  
茆舍寒林相映分明是  
畫圖景  
去程何日定天遠長安近  
喚起新愁  
無盡全沒箇故園信

又

舟行清溪

回菴詞

汲古閣

艤舟砂磧秋淨波澄碧極目青山橫遠懸崖斷  
擁蒼壁 傍岩漁艇集渡頭人物立入景瀟湘  
眞画雲籠日晚風急

江南好

天共水水遠與天連天淨水平寒月漾水光月  
色兩相兼月映水中天 人與景人景古難全  
景若佳時心自快心還樂處景應妍休與俗人

言

關河令

清遠軒  
晚望

亭臯霜重飛葉滿聽西風斷雁閒凭危闌斜陽  
紅欲斂行人歸期太晚誤髣髴征帆幾點水  
遠連天愁雲遮望眼

又

巳亥宜  
春舟中

江頭伊軋動柔櫓漸楚天欲暮浩蕩輕鷗波間  
自容與 岼蓼汀蘋無緒夏滿目瀟疎江樹此  
意何窮憑誰圖画取

且菴詞

汲古閣

採桑子

三月晦日  
東館大雨

連朝雨驟驅春去  
瓦注盆傾  
不記初春  
潤柳催花  
忒有情  
春光解有重來日  
寧耐休爭  
待得秋深  
聽你無聊  
點滴聲

又

櫻花

梅花謝後  
櫻花綻淺淺  
勻紅試手  
天工百卉千葩  
一信通  
餘寒未許  
開舒妥  
怨雨愁風  
結子筠籠  
萬顆勻圓  
訝許同

浪淘沙

杏花

絳萼襯輕紅，綴簇玲瓏。天桃繁李一時同，獨向  
枝頭春意鬧，嬌倚東風。飛片入簾櫳，粉淡香  
濃。鳳簫聲斷月明中，只恐明朝風雨惡，燕嘴泥  
融。

又

桃花

桃萼正芳菲，初占春時。蒸霞燦錦望中迷，料出  
繁枝臨曲沼，鸞鑑粧遲。蜂蝶鎮相依，天氣融

怡空教追憶武陵溪  
片片漫隨流水去  
風暝煙霏

又柳

搖曳萬絲風輕染煙濃  
鵝黃初褪綠茸茸  
雨洗雲嬌春向晚  
雪絮空濛  
車馬滿橋中  
別緒凶  
凶只知攀折怨西東  
不道曉風殘月  
岬離恨無窮

雙頭蓮令

富豐  
雙蓮

太平和氣兆嘉祥  
艸木總成雙  
紅苞翠蓋出橫塘  
兩兩鬪芬芳  
榦搖碧玉竝  
青房仙髻擁  
粧連枝不解引鸞皇  
畱取映鴛鴦

画堂春

梅

西真仙子宴瑤池  
素裳瓊豔冰肌  
瑞籠香霧撲銖衣  
鳳翥鸞飛  
玉骨解凌風  
露鉛華不涴凝脂  
戍樓羌管正孤吹  
月淡煙低

南柯子

送朱辰州千方壺小隱



木落千山瘦，風微一水澄。  
清霜暝日快，歸程喚渡沙。  
頭欸欸，話離情。傍岸漁舟集，橫空雁字輕。  
凭闌凝望，眼增明。一片瀟湘，真個畫難成。

西江月

丁巳長沙大閱

笳鼓旌旗改色，弓刀鎧甲增明。  
攢花簇隊馬蹄輕，稟聽元戎號令。  
羊祜輕裘臨陣，亞夫細柳屯營。  
觀瞻已聳定，王城飛虎成名日振。

又

同蔡受之趙中甫巡城飲于南楚樓

淼淼澄清波面依依紫翠山光危欄徙倚對斜  
陽山影波流蕩漾 世事一番醒醉人生幾度  
炎涼高情收拾付觥觴何至羲皇人上

洞仙歌

丁巳元夕大雨

元宵三五正好嬉遊去梅柳蛾蟬鬪濟楚換鞵  
兒添頭面只等黃昏恰限有些子無情風雨  
心忙腹熱沒頓渾身處急把燈臺炎艾炷做匙  
婆許蔥油麵灰画葫蘆更漏轉越睭不停不住

坦菴詞

四十五

汲古閣

待歸去猶自意遲疑但無語空將眼兒厮覷

南鄉子

尹先之索  
淨回子詞

元夜景尤殊萬斛金蓮照九衢  
鎚拍鼓湯都賣得爭如甘露盃中萬顆珠  
應是著工夫腦麝濃薰費小厨  
不比七夕黃蠟做知無耍底圓兒  
糖上浮

行香子

春日遲遲春景熙熙漸郊原芳艸萋萋  
天桃灼

灼楊柳依依見燕喃喃蜂簇簇蝶飛飛  
閒庭寂寂曲沼漪漪夏秋千紅索垂垂遊人隊隊樂  
意嬉嬉盡醉醺醺歌緩緩語低低

卜算子

立石道中

晴日斂春泥陌上東風軟料峭寒禁花柳閒在  
恨春工淺綠漲一江深黛潑千山遠目斷平  
蕪無際愁數盡征鴻點

又

丙午春卽席和從善

垣菴詞

四十六

汲古閣

揚柳褪金絲豔杏搖紅影欲雨還晴二月天春  
色渾無定曉夢不堪驚午晝新來永一掬歸  
心萬疊愁空惹長亭恨

又

和從善壽安  
堂賞海棠

嬌豔醉楊妃輕裊憐飛燕人在昭陽睡足時初  
試粧深淺一段錦新裁萬里來何遠高燭休  
教照夜寒媚臉融春豔

又

和徐師川  
韻贈歌者

綠暗柳藏煙紅淡花經雨夏著如花似玉人豔  
態嬌波注 纖手捧瑤卮緩過歌雲縷只恐鶯  
花不解留還逐東風去

又

赴春陵和向  
伯元送行詞

雲歛峭寒輕雨漲春波渺旅枕無堪夢易驚啼  
鴉聲催曉 尚憶故園花紅紫爲容好世路崎  
嶇長短亭來往何時了

伊洲三臺

丹桂

坦菴詞

四十七

汲古閣

桂華移自雲岩夏被靈砂染丹清露溼醅顏醉  
乘風下臨世間素娥襟韻蕭閒不與羣芳竝  
看款款絳綃單覺身輕夢回廣寒

介之汴人一名師佚生于金閨捷于科第故其詞  
亦多富貴氣或病其能作淺淡語不能作倚艷  
語余正謂諸家頌酒麝色已極濕觴存一淡粒以  
愧深林亦初集中放翁一派也湖南毛晉識

菴詞

終